



5. marts 2008

Inatsisartut forretningsorden-iani § 36 imm. 1 tunngavigalugu apeqquteqaatit makkua Naalakkersuisunut apeqquteqaatigaakka.

Naalakkersuisunut apeqquteqaatit:

1. Naalakkersuisut ALCOA-p aluminiumik aatsitsivissaata inissaanik toqqagaanni ermup nukinganik nukissiorfiliornissamut piukkunnarsinnaasunut tunngatillugu misissuinermi paasissutissanik pigisaqarpaat? Taamaassimassappat aatsitsisafissamik pilersitseqqinissamut periarfissaqarpaa?

2. Ermup nukiisiorfissanik pilersinneqartussanik ALCOA-mik piginneqateqarsinnaanissamut Naalakkersuisut Sermitsiami 22. februar 2008-mi saqqummiussinerattut pilersaarutit tunngavigalugit aluminiumik aatsitsivissamik allamik pilersitsinnaanissat pinngitsoortissinnaanerlugu?

3. Aatsitsivissamik ataatsimik arlaqartunilluunniit pilersitsinissamik suliaqarnissamut ingerlatsinissamilu suliaqarnissamut naammattunik sulisussaqaarnissamik qulakkeerinissamut atatillugu Naalakkersuisut qanoq pilersaaruteqarpat?
(Inatsisartunut ilaasortaq, Marie Fleischer, Demokraatit)

Toqqammavigisaq:

Siullermik Naalakkersuisut Inatsisartunut ALCOA-p aatsitsivissaata Maniitsup Kommuneanut inissinnissaanut siunnersuuteqarneranut atatillugu Maniitsormiut nuannaqatigigakkit oqaatigissavara.

Kisiannili Sermitsiami 22. Februar 2008-meersumi Naalakkersuisut tamatumunnga atatillugu pilersaarutaat saqqummiunneqartoq eqqumiiginngitsuunngilara. Tassani allaqqa-voq:

„Tamakkua saniatigut Naalakkersuisut Inatsisartunut siunnersuutigissavaat Amerikkarmiut aluminiuliorfimmik ingerlatsiviutaannik Alcoa-mik piginneqarteqaarnissamut ilusilersuinissamik suliaqarneq ingerlateqqinneqassasoq. Tassa imaappoq Namminersornerulutik Oqartussat ermup nukinga atorlugu nukissiorfinnik, kallerup innerata aqqutaannik, transmissionsledning-inik taamatullu aluminiumik aatsitsivimmik Alcoa piginneqatigissavaat“

Kakkaak, akisorpasingaarami. Tamakkua qanoq akeqarniarpat, qanorlu aningaasalersorneqassappat? Soorunalimi nunanit allaniit aningaasanik attartornikkut, tamannami pissusissamisoorpoq. Taamatut suliniuteqarnermi eqqarsaatigissat marluk ilaatinneqartariaqartut tassaapput.



Demokraatiniit uvagut isumaqanngilagut Kalaallit-nunaat aluminiumik aatsitsivimmik piginneqataassasoq, taamatullu siunniussisoqarsimappat tamanna nassuiaatigineqartari-aqarpoq. Qaqugussagaluarnerisoq ALCOA-p aluminiumik tunisassiornini taamaatissagaluarpagu, taava Namminersornerullutik Oqartussat aluminiumik aatsitsivik atorun-naartussaqaq sumut atussammassuk?

Kalaallit-nunaat aluminiumik aatsitsivimmik piginneqataalissagaluaruni, tamatumanilu nukik pilersinneqartussaqaq tamatuma eqqaani tatsiniit anginerpaaniit pingasuniit pinngortinneqassappat assersuutigalugu Norsk Hydro aatsitsivimmik pilersitssinnaanissaanut mattunneqassaaq. Tassa taamaaliortoqarsinnaavoq aatsitsinnik arlariinnik pilersitsinis-samut ermup nukinga atorlugu nukimmik pisariaqartitsineq NAAMMATTUMIK pissarsia-rineqarsinnaappat. Taamaaliornikkut inuiaqatigiit kalaallit aningaasatigut isertitsivigisin-naasaminnik imminnut mattussinnaapput.

ALCOA imeq atorlugu nukissiorfinnik tatsinik pineqartunit anginernit pingasunit aallaa-veqartumit piginneqataalerpat, Demokraatit ernummatigaat, aatsitsivimmik nr. 2-mik pi-lersitssinnaanissaqaq mattunneqassasoq, tassami ALCOA unammillertitsissaminut IN-NAALLAGISSAMIK pilersuinissaqaq kissaatiginiaviangimmagu. Taamaattumik Kalaallit-nunaata kisimiilluni ermup nukinga atorlugu nukissiorfinnik piginnittuusariaqarpoq, taa-maaliornikkullu aatsitsivinnut arlariinnut NUKISSAMIK pilersuisinnaasariaqarpoq.

Eqqaamasariaqartoq alla tassa aningaasanik taama amerlatigisunik atorniarnermut ata-tillugu immiinnut aperisariaqarmat: Allamut aamma aningaasanik atorfissaqartisivuguut? Assersuutitut taasinnaavakka Nuummi, Sisimiuni, Ilulissani Qaqortumilu umiarsualivin-nik allilerinissat. Umiarsualiviit takkua aammattaaq Kalaallit-nunaanni aningaasanik kaaviiartitsinermut annertusaataassagaluarput. Iluatsillugu sanaartugassanut taakku-nunnga aningaasanik attartornikkut ALCOA Maniitsup kommuniata saniatigut nunatta immikkoortuini allani sunniuteqarsinnaalissagaluarpoq. Pingaartumillu aatsitsiviit ani-ngaasanik attartukkanik taarsersuisuussagaluarput.

Apeqquteqaatinnut akissuteqaatit ullut suliffiusut qulit qaangitsinnagit tiginissaat kissaa-tigaara.